

La spranza ferm preschainta

Referat davart la malatia SLA

In Svizra han 400 fin 600 persunas la malatia sclerosa laterala amiotrofica SLA (ALS). In media han ils paziaints tanter 59 e 69 ons, cur chi tschiffan quista malatia.

In venderdi ha salvà la società Amias ed Amis da l'Ospital d'Engiadina Bassa (A & A) a Scuol sia radunanza annuala. Sco istà ha invità la società davo la radunanza als interessats ad ün referat cun discussiun. «Il tema da quist on, la malatia sclerosa laterala amiotrofica SLA, per tudais-ch ALS, es per casualità d'avantà fich actuala», ha salutà il vice-president da la società, Urs Trottmann, als numerus preschaints i'l local cultural dal Bogn Engiadina a Scuol, «il renomà astrofisiker Stephen Hawking es



Seraina Bickel (a schestra), la presidenta da la società Amias ed Amis da l'Ospital Engiadina Bassa, culla referenta Bea Goldman.

fotografia: Flurin Andry

mort d'incuort da la SLA, 48 ons davo la diagnosa.» Referenta d'eira la finunza Bea Goldman, ella ha lavurà 15 ons i'l Muskelzentrum da l'Ospital chantunal da San Galla ed es uossa activa per l'organizzaziun ALS Schweiz. Margarita Bernegger da Scuol chi ha quista malatia d'eira eir preschainta.

Pro mincha paziaint esa oter

La SLA chi'd es gnüda descritta la prima jada dal 1869 dal neurolog frances Jean-Martin Charcot es parainta cullas malatias Alzheimer e Parkinson. «Id es üna malatia cronica dal sistem central e perifer da las nervas», ha declerà Goldman, «nervas e musclas chi fuorman ün'unità vegnan attachadas.» Quai as muossa in debliezzas, atrofiyas muscularas e paralisis. Cunter la SLA nu daja ingüns medicamaints. La dütrada da vita

propabla davo la diagnosa es in media duos fin quatter ons. «Quai es però fich individual, da be pacis mais fin passa 40 ons», ha dit la perita, «perquai es la spranza fich centrala pro la SLA.» Causa chi nu dà in Svizra amo ingün register nazional davart il numer dad amalats as suppuona chi sajan tanter 400 fin 600 persunas chi hanjan quista malatia. Ella nun es contagiusa e be pro var tschinch fin ot pertschient è'la gnüda iertada. Normalmaing nun es la SLA collhada cun mal.

Las musclas s'indeblischan

Causa cha las nervas nu funcziunan più inandret s'indeblischan las musclas e'is paziaints dovuran mezs auxiliars sco la sopcha cun roudas. Suvent cumainza la malatia as manifestar pro'is mans. «Quai es fich stantus», ha dit Margarit-

ta Bernegger, «pro'is mans chi's d'eira adüsà chi funcziunan adüna, ed eir pro la leua chi vain greiva e renda difficil a discorrer.» L'üvida nun es petrocca da la malatia: Ch'ella doda ed indelega bain, ha'la cunnüa, «perquai pon tuots discorrer tuot normal cun mai, be avair ün pa pazienza sch'eu n'ha fadia cun l'articular.» Chi's perda pro quista malatia mincha di ün pa dapü da la libertà, ha'la agiunt, «ma sco pro tuot las malatias esa dad esser cuntaint cun quai chi va e far il meglier landrou-ra.» Ch'ella cussaglia a seis paziaints adüna da far adöver dals mezs auxiliars chi faciliteschan la vita, ha dit Bea Goldman, e manzunà sco exaimpel la sonda dal stomi: «Traguonder vain adüna più difficil, perquai esa bun da metter üna tala sonda avant co chal paziaint survegna difficultats cun mangiar.» Impor-

Üna da las grondas societats da la regiun

L'Ospital a Scuol procura pel provedimaint da sandà da la regiun periferia Engiadina Bassa. Al principi dals ons 2000 d'eira sia existenza d'vantada intscherta, causa ils intents dal Chantun da spargnar i'l secur da sandà. Perquai es gnüda fundada da l'on 2003 la società Amias ed Amis da l'Ospital Engiadina Bassa chi ha actualmaing bundant 250 commembers. Las amias ed amis sustegnan progets da l'Ospital per pudair mantgnair illa regiun il provedimaint da sandà cullas differents sportas medicinas. Presidenta da la società es Seraina Bickel da Susch, vicepresident Urs Trottmann da Scuol, chaschiera es Seraina Bezola da Zemez, il meidi d'istricturn Martin Büsing rapreschainta ils meidis da la regiun, Erna Koller da Scuol es acturata e Fadri Häfner da Guarada ed Annina Mengiardi d'Ardez sun commembers da la suprastanza. La radunanza annuala ha reellet unanimamaing a Seraina Bickel ed ad Annina Mengiardi. Il meidi Büsing ha preschainta ils referats cha la società spordscha ingon: «Nudritüna sana» es il prosem, lura daja ün referat davart la «Chüra d'vart da confamiliars, plaschair ed eir pais». Più tard saran invidats ils interessats al referat davart la «Disposiziun dal paziaint/paziainta.» (anr/fa)

CONCERT ANNUEL da la Societed da S-chanf

In venderdi, ils 20 avrigl 2018 a las 20.00 h illa sela cumünela da S-chanf

A coopereschant:

Musica da juvenils La Plain-Zernez
Cor da cumpagna S-chanf
e la gruppa da tamburs d'Engadin'Ora

Entrada libra

Amiatvelmaing invida:
La Societed da musica da S-chanf

tant esa, sco ch'ella ha conclud, eir da's laschar güdar, «per pudair restar più lönch pussibel autonom.» (anr/fa)